

Stáhtaráđi ásahus

ealliguovdasaš doarjagis, mii máksojuvvo boazodoallojagis 2013/2014

Addojuvvon Helssegis geassemánu 27. beaivve 2013

Stáhtaráđi mearrádusa mielde mearriduvvo eana- ja šaddogárdedoalu riikkadási doarjagiid birra addojuvvon lága (1559/2001) 14 §:a 3 momeantta vuodul:

1 §

Heivehansuorgi

Eana- ja šaddogárdedoalu riikkadási doarjagiid birra addojuvvon lága (1559/2001) 14 §:s oaivvilduvvon doarjjan sáhtá máksit Suomas fásta ássi boazoeaiggádiidda stáhta bušeahttaárvalusas jahká 2013 eana- ja šaddogárdedoalu riikkadási doarjagii čujuhuvvon ruđain boazodoallojagis 2013/2014 ealliguovdasaš doarjaga nu go dán ásahusas mearriduvvo.

2 §

Doarjjaoažžu

Doarjja máksojuvvo jagis 2013 stáhtaráđi ásahusa (19/2013; ásahus davvidoarjagis) čuvvosis 1 oaivvilduvvon guovlluin C3 ja C4 bohccuiguin bargi dálloaluide.

Dállodollui gehččojuvvojit gullat náittosguimmežat ja dakkár náittosdililágan dilis oktasaš dálloalus jámma ássi olbmot, geat leaba leamaš ovdal náttosis dahje geain lea dahje lea leamaš oktasaš mánná. Dállodollui gullet maiddá ovdalis máinnašuvvon guimmežiid seamma dálloalus ássi mánát ja biebmománát, geat eai leat deavdán 18 jagi ovdal dan kaleanddarjagi álggu, mas doarjja ohccojuvvo. Dállodoallun gehččojuvvo maiddá juogekeahtes jápminbeassi.

Doarjaga sáhtá oažžut, jos dállo dollui gullevaš olbmot dahje dat olbmot, geaid oamastan bohccuid hárrái doarjja ohccojuvvo, eai leat deavdán 65 jagi ovdal dan kaleanddarjagi álgima, mas doarjja ohccojuvvo. Doarjaga oažžuma eaktun lea maiddá dat, ahte doarjjaoažžu galgá mearkut bajás iežas jodihan boazodoalu boaduid ja goluid.

3 §

Doarjjadohkálaš ealihanbohccot

Doarjaga sáhtá oažžut, jos dállo dollui gullevaš olbmot oamastit boazologahallamiid mielde boazodoallolágas (848/1990) oaivvilduvvon boazodoallojagi loahpas uhcimustá 80 ealihanbohcco, nugo máinnašuvvon lága 5 §:a 2 čuoggás oaivvilduvvo.

Doarjagii vuoigadahtti bohccuid oamastanvuoigatvuohta ja lohku vuodduvvet boazodoallojagis 2012/2013 dahkkojuvvon boazologahallamii. Boazodoallojagi 2012/2013 áigge dahkkojuvvon boazogávppit sáhttet váldojuvvot vuhtii doarjaga miedihettiin.

Doarjja ii máksojuvvo dain ealihanbohccuin, mat mannet badjel bálgosiidda dahje daid osolaččaide mearriduvvon alimus lobálaš ealihanboazologuid. Jos bálgosa ealihanboazolohku manná badjel bálgosiidda mearriduvvon alimus lobálaš ealihanboazologu, de dálloaluid doarjjadohkálaš ealihanbohccuid lohku geahpeduvvo liigebohccuid hárrái seamma gori mielde go dálloalut oamastit ealihanbohccuid bálgosis. Jos

ealihanboazolohku báhcá uhcibun go 1 momeanttas mearriduvvo, de dálldollui sáhtta liikká mieđihuvvot doarjja daid loahppaealihanbohccuid logu vuodul, jos dálldoalus leat leamaš ovdal geahpedeami ealihanbohccot uhcimustá 1 momeanttas mearriduvvon mearri.

Doarjja ii máksojuvvo maiddái dain ealihanbohccuin, maid osolaš livččii galgan bálgosa dohkkehan jahkásaš njuovvanplánaid mielde njuovvat (*njuovvanreastaboazu*). Jos dálldoalu njuovvanreastabohccuid lohku lea badjel golbma proseantta ealihanboazologus, de doarjja ii máksojuvvo dálldollui ollege.

Helssegis geassemánu 27. beaivve beaivve 2013

Eana- ja meahcedoalloministtar *Jari Koskinen*

4 §

Doarjjamearri

Doarjaga mearri lea eanemustá 28,50 euro ealihanbohcco nammii.

5 §

Fápmuiboahtin

Dát ásahus bohtá fápmui suoidnemánu 3. beaivve 2013.

Boarráset hálddahusčalli Juha Vanhatalo